

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 12-1866/20 od 24.04.2020. godine), zaključuje se

UGOVOR O PRUŽANJU USLUGA

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu na adresi Zmaja od Bosne bb, koga zastupa dekan prof.dr. Jasmin /Izet/ Velagić (u daljem tekstu: Ugovorni organ)

i

EURO LIFTING d.o.o. za proizvodnju, usluge i promet - ID broj: 4218240890003, sa sjedištem na adresi 21 Srebreničke brigade bb, Srebrenik, koga zastupa direktor Asmir Beganović (u daljem tekstu: Pružalac usluga)

Član 1. (Predmet Ugovora)

Predmet ovog Ugovora (u daljem tekstu: Ugovor) je pružanje usluga redovnog mjesečnog servisiranja lifta od strane Pružaoca usluga za potrebe Ugovornog organa, a po osnovu ponude Pružaoca usluga zaprimljene kod Ugovornog organa pod brojem 03-1832/20 od 22.04.2020. godine i direktnog sporazuma zaključenog između ugovorenih strana (broj: 12-1866/20 od 24.04.2020. godine).

Član 2. (Obaveze Pružaoca usluga)

Pružalac usluga se obavezuje da će pružati usluge za period od 01.05.2020. godine do 31.12.2020. godine, redovnog mjesečnog servisiranja lifta sa potrebnim vanrednim intervencijama, koje obuhvata pregled postrojenja lifta i kontrolu njegovog rada, prema uputstvu za upotrebu i održavanje, otklanjanje utvrđenih nedostataka te zamjenu neispravnih i oštećenih elemenata, a posebno:

- provjeru ispravnosti rada svih sigurnosnih uređaja, osobiti rada sigurnosnih uređaja kočnice pogonske mašine, zahvatnog uređaja, graničnika brzine, krajnjih sklopki, odbojnika, vrata voznog okna i zabrave vrata voznog okna,
- provjeru nosivih užadi ili lanaca ili traka i njihove veze s kabinom i protutegom,
- provjeru vuče što se ostvaruje silom trenja,
- provjeru izolacije svih strujnih krugova i njihovih veza sa uzemljenjem pregledom izolacije,
- provjeru priključka na gromobranksku instalaciju,
- čišćenje i podmazivanje dijelova lifta,
- provjeru ispravnosti rada lifta pri vožnji od stanice do stanice uzduž voznog okna u oba smjera te pri pristajanju,
- provjeru nužnih izlaza i
- provjeru ispravnosti pogonskih i upravljačkih uređaja lifta.

Član 3. (Obaveze Ugovornog organa)

Ugovorni organ se obavezuje da će:

- dozvoliti nesmetano prisustvo osoblja Pružaoca usluga u objektu radi redovnog mjesečnog servisiranja lifta,
- blagovremeno obavijestiti Pružaoca usluga o mogućim vanrednim intervencijama,
- pismeno obavijestiti Pružaoca usluga o mogućim propustima i neispravnostima, prilikom pružanja usluga redovnog mjesečnog servisiranja lifta i
- utvrditi razuman rok za ispravku propusta prilikom redovnog mjesečnog servisiranja lifta.

Član 4.
(Povjerljivost)

Ugovorene strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.
(Naknada i način plaćanja)

Ukupna cijena usluge iznosi 585,00 KM bez PDV-a (petstotinaosamdesetpet i 00/100KM) za period od 01.05.2020. godine do 31.12.2020. godine.
Ugovoreni iznos naknade će se plaćati u mjesečnim iznosima od po 65,00 KM (šezdesetpet i 00/100KM) na žiro račun Pružaoca usluga kod odgovarajuće banke u Bosni i Hercegovini, u roku od 15 (petnaest) dana od dana dostave fakture.
Pripadajući porez će se obračunati i platiti u skladu sa zakonom.

Član 6.
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorne strane svojeručno ga potpisuju.

ZA PRUŽAOCA USLUGA


Direktor, Asmir Beganović



ZA UGOVORNI ORGAN


Dekan, prof. dr. Jasmin Velagić

Broj: 02-1508/20

Datum: 30.04.2020.

